

11 апреля 2020 года
Суббота 6-й седмицы Великого Поста
ЛАЗАРЕВА СУББОТА
Последование утрени
для домашнего (келейного) совершения

УТРЕНЯ

Молитвами святых отец наших, Господи Иисусе Христе, Боже наш, помилуй нас. **Аминь.**

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас. **Трижды, и три поклона.**

Слава Отцу, и Сыну, и Святому Духу, и ныне и присно, и во веки веков. Аминь.

Пресвятая Троице, помилуй нас: Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. Трижды.

Слава, и ныне:

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[**Яко Твое есть Царство и сила и слава во веки. Аминь. (Мф. 6: 9-13)**]

Господи, помилуй, 12.

Слава, и ныне:

Приидите, поклонимся Цареве нашему Богу.

Приидите, поклонимся Христу, Цареве нашему, Богу.

Приидите, поклонимся и припадём Самому Христу, Цареве и Богу нашему.

ДВУПСАЛМИЕ

Псалом 19

Услышит тя Господь в день печали, защитит тя имя Бога Иаковля. Послет ти помощь от Святаго и от Сиона заступит тя. Помянет всяку жертву твою, и всесожжение твое тучно буди. Даст ти Господь по сердцу твоему и весь совет твой исполнит. Возрадуемся о спасении твоём и во имя Господа Бога нашего возвеличимся. Исполнит Господь вся прошения твоя. Ныне познах, яко спасе Господь христа Своего, услышит его с Небесе Святаго Своего, в силах спасение десницы Его. Сии на колесницах, и сии на конех, мы же во имя Господа Бога нашего призовём. Тии спяти быша и падоша, мы же востахом и исправихомся. Господи, спаси царя и услыши ны, вонже аще день призовём Тя.

Псалом 20

Господи, силою Твоею возвеселится царь и о спасении Твоём возрадуется зело. Желание сердца его дал еси ему, и хотения устну его неси лишил его. Яко предварил еси его благословением благостынным, положил еси на главе его венец от камене честна. Живота просил есть у тебе, и дал еси ему долготу дний во век века. Велия слава его спасением Твоим, славу и велелепие возложиши на него. Яко даси ему благословение во век века, возвеселиши его радостью с лицом Твоим. Яко царь уповает на Господа, и милостию Вышняго не подвижится. Да обрящется рука Твоя всем врагом Твоим, десница Твоя да обрящет вся ненавидящия Тебе. Яко положиши их яко пещь огненную во время лица Твоего, Господь гневом Своим смятёт я, и снесть их огонь. Плод их от земли погубиши, и семя их от сынов человеческих. Яко уклониша на Тя злая, помыслиша советы, ихже не возмогут составить. Яко положиши я хребет, во избытцех Твоих уготовиши лице их. Вознесися, Господи, силою Твоею, воспоём и поём силы Твоя.

Слава, и ныне:

Трисвято́е. Слава, и ныне: Пресвятая Троице:
Господи, помилуй. **Трижды.** Слава, и ныне: **Отче наш:**

И тропари:

Спаси Господи люди Твоя, / и благослови достояние Твое, / победы на сопротивныя даруя, / и Твое сохраняя Крестом Твоим жительство.

Слава: Вознесися на Крест волею, / тезоименитому Твоему новому жительству / щедроты Твоя даруй, Христе Боже, / возвесели нас силою

Твоею, / победы дай нам на сопостаты, / пособие имущим Твое оружие мира, / непобедимую победу.

И ныне: Предстательство страшное и непостыдное, / не презри Благая молитв наших, Всепетая Богородице, / утверди православных жителство: / спаси люди Твоя, и подаждь им с небес победу, / зане родила еси Бога, единая благословенная.

Господи, помилуй. 12.

Слава, и ныне:

ШЕСТОПСАЛМИЕ

Слава в вышних Богу, и на земли мир, в человецех благоволение.
Трижды.

Господи, устне мои отверзеша, и уста моя возвестят хвалу Твою.
Дважды.

Псалом 3

Господи, что ся умножиша стужающие ми? Мнози востают на мя, мнози глаголют души моей: несть спасения ему в Бозе его. Ты же, Господи, Заступник мой еси, слава моя и возносяй главу мою. Гласом моим ко Господу возвах, и услыша мя от горы святыя Своея. Аз уснух, и спях, востах, яко Господь заступит мя. Не убоюсь от тем людей, окрест нападающих на мя. Воскресни, Господи, спаси мя, Боже мой, яко Ты поразил еси вся враждующыя ми все: зубы грешников сокрушил еси. Господне есть спасение, и на людех Твоих благоволение Твое.

Аз уснух, и спях, востах, яко Господь заступит мя.

Псалом 37

Господи, да не яростию Твоею обличиши мене, ниже гневом Твоим накажеша мене. Яко стрелы Твоя унзоша во мне, и утвердил еси на мене руку Твою. Несть исцеления в плоти моей от лица гнева Твоего, несть мира в костех моих от лица грех моих. Яко беззакония моя превзыдоша главу мою, яко бремя тяжкое отяготеша на мне. Возсмердеша и согниша раны моя от лица безумия моего. Пострадах и слякохся до конца, весь день сетуя хождах. Яко лядвия моя наполнися поруганий, и несть исцеления в плоти моей. Озлоблен бых и смирихся до зела, рыках от воздыхания сердца моего. Господи, пред Тобю все желание мое и воздыхание мое от Тебе не утайся. Сердце мое смятеса, остави мя сила моя, и свет очию моею, и той несть со мною. Друзи мои и искреннии мои прямо мне приближишася и сташа, и ближнии мои отдалече мене сташа и нуждахуся

и́щущии ду́шу мою́, и и́щущии зла́я мне глаго́лаху сýетная и льсти́вным весь день поуча́хуся. Аз же я́ко глух не слы́шах и я́ко нем не отверза́яй уст свои́х. И бых я́ко челове́к не слы́шай и не имы́й во устéх свои́х обличéния. Я́ко на Тя, Гóсподи, упова́х, Ты услы́шиши, Гóсподи Бóже мой. Я́ко рех: да не когда́ пора́дуют ми ся врази́ мой: и внегда́ подвижа́тися нога́м мо́им, на мя велерéчеваша. Я́ко аз на раны́ готóв, и болéзнь моя́ предо мно́ю есть вы́ну. Я́ко беззакóние моé аз возвещу́ и попеку́ся о гресé моéм. Врази́ же мой живу́т и укрепíшася па́че мене́, и умно́жишася ненави́дящии мя без пра́вды. Воздаю́щии ми зла́я возблага́я оболга́ху мя, занé гоня́х благосты́ню. Не оста́ви мене́, Гóсподи Бóже мой, не отступи́ от мене́. Вонми́ в по́мощь мою́, Гóсподи спасéния моего́.

Не оста́ви мене́, Гóсподи Бóже мой, не отступи́ от мене́. Вонми́ в по́мощь мою́, Гóсподи спасéния моего́.

Псалом 62

Бóже, Бóже мой, к Тебе́ у́треннюю, возжада́ Тебе́ душа́ моя́, коль мно́жицею Тебе́ плоть моя́, в земли́ пýсте и непроходне, и безводне. Та́ко во святéм явixся Тебе́, видети́ силу́ Твою́ и сла́ву Твою́. Я́ко лучши́ мýлость Твоя́ па́че живóт, устне́ мой похва́лите Тя. Та́ко благословлю́ Тя в животé моéм, о и́мени Твоéм воздежу́ рýце мой. Я́ко от ту́ка и ма́сти да исполнится душа́ моя́, и устна́ма ра́дости восхва́лят Тя уста́ моя́. А́ще помина́х Тя на постéли моéй, на у́тренних поуча́хся в Тя. Я́ко был еси́ Помóщник мой, и в крóве крилу́ Твоéю возра́дуюся. Прильпе́ душа́ моя́ по Тебе́, мене́ же при́ят десни́ца Твоя́. Ти́и же всýе иска́ша ду́шу мою́, вни́дут в преиспóдняя земли́, преда́дутся в рýки ору́жия, ча́сти лы́совом бýдут. Царь же возвеселíтся о Бóзе, похва́лится всяк клены́йся Им, я́ко заградíшася уста́ глаго́лющих непра́ведная.

На у́тренних поуча́хся в Тя. Я́ко был еси́ Помóщник мой, и в крóве крилу́ Твоéю возра́дуюся. Прильпе́ душа́ моя́ по Тебе́, мене́ же при́ят десни́ца Твоя́.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́ Бóже. **Трижды, без поклонов.**

Гóсподи помíлуй. **Трижды.**

Сла́ва, и ны́не:

Псалом 87

Гóсподи Бóже спасéния моего́, во дни воззва́х, и в но́щи пред Тобóю. Да вни́дет пред Тя моли́тва моя́: приклонí у́хо Твоé к молéнию моему́, я́ко

исполнися зол душа моя, и живот мой аду приближися. Привменен бых с низходящими в ров, бых яко человек без помощи, в мертвых свобода, яко язвенни спящий во гробе, ихже не помянул еси ктому, и тии от руки Твоея отриновени быша. Положиша мя в роуе преисподнем, в темных и сени смертней. На мне утвердися ярость Твоя, и вся волны Твоя навел еси на мя. Удалил еси знаемых моих от мене, положиша мя мерзость себе: предан бых и не исхождах. Очи мой изнемогосте от нищеты, возвах к Тебе, Господи, весь день, вздох к Тебе рuce мой. Еда мертвыми твориши чудеса? Или врачеве воскресят, и исповедятся Тебе? Еда повесть кто во гробе милость Твою, и истину Твою в погибели? Еда познана будут во тьме чудеса Твоя, и правда Твоя в земли забвенней? И аз к Тебе, Господи, возвах и утро молитва моя предварит Тя. Вскую, Господи, отреси душу мою, отвращаеши лице Твое от мене? Нищ есмь аз, и в трудех от юности моея; вознес же ся, смирихся, и изнемогах. На мне преидоша гнѣви Твои, устрашения Твоя возмутisha мя, обидоша мя яко вода, весь день одержаша мя вкупе. Удалил еси от мене друга и искренняго, и знаемых моих от страстей.

Господи Боже спасения моего, во дни возвах, и в ноши пред Тобю. Да внидет пред Тя молитва моя: приклони ухо Твое к молению моему.

Псалом 102

Благослови, душе моя, Господа, и вся внутренняя моя имя святое Его. Благослови, душе моя, Господа, и не забывай всех воздаяний Его, очищающего вся беззакония твоя, исцеляющего вся недуги твоя, избавляющего от истления живот твой, венчающего тя милостию и щедротами, исполняющего во благих желание твое: обновится яко орля юность твоя. Твори милостыни Господь, и судьбу всем обидимым. Сказал путь Свой Моисею, сыном Израилевым хотения Своя: Щедр и Милостив Господь, Долготерпелив и Многомилостив. Не до конца прогневается, ниже во век враждует, не по беззаконием нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят восточцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет, яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на Небеси уготова Престол Свой, и Царство Его всеми обладает. Благословите Господа вси Ангели Его,

сильнии крепостию, творящии слово Его, услышати глас словес Его. Благословите Господа вся Силы Его, слуги Его, творящии волю Его. Благословите Господа вся дела Его, на всяком месте владычества Его, благослови, душе моя, Господа.

На всяком месте владычества Его, благослови, душе моя, Господа.

Псалом 142

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живый. Яко погна враг душу мою, смирил есть в землю живот мой, посадил мя есть в темных, яко мертвые века. И уны во мне дух мой, во мне смятеся сердце мое. Помянух дни древния, поучихся во всех делех Твоих, в творениих руку Твоею поучахся. Воздох к Тебе рuce мой, душа моя, яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящим в ров. Слышану сотвори мне заутра милость Твою, яко на Тя уповах. Скажи мне, Господи, путь вонже пойду, яко к Тебе взях душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь.

Услыши мя, Господи, в правде Твоей и не вниди в суд с рабом Твоим.

Услыши мя, Господи, в правде Твоей и не вниди в суд с рабом Твоим.

Дух Твой Благий наставит мя на землю праву.

Слава, и ныне:

Аллилуиа, аллилуиа, аллилуиа, слава Тебе Боже. Трижды

Господи, помилуй. 12 раз

Слава, и ныне:

БОГ ГОСПОДЬ И ТРОПАРЬ

Глас 1:

Бог Господь и явися нам, благословен Грядый во имя Господне.

Стих: Исповедайтесь Господеви, яко благ, яко в век милость Его.

Бог Господь и явися нам, благословен Грядый во имя Господне.

Стих: Обышедше обыдоша мя и именем Господним противляхся им.

Бог Господь и явися нам, благословен Грядый во имя Господне.

Стих: Не умру, но жив буду и повею дела Господня.

Бог Господь и явися нам, благословен Грядый во имя Господне.

Стих: Камень, Егоже небрегоша зыждущии, Сей бысть во главу угла, от Господа бысть Сей и есть дивен во очесех наших.

Бог Господь и явися нам, благословен Грядый во имя Господне.

Тропарь, глас 1:

**Общее воскресение / прежде Твоея Страсти уверяя, / из мертвых
воздвигл еси Лазаря, Христэ Бже. / Темже и мы, яко отроцы победы
знамения носяще, / Тебе победителю смерти вопием: / осанна в
вышних, / благословен Грядый во имя Господне. Трижды.**

КАФИЗМЫ И СЕДАЛЕН

Господи, помилуй. **Трижды**

Слава, и ныне:

И чтем кафисму 16-ю (зри Псалтирь)

Господи, помилуй. **Трижды**

Слава, и ныне:

По кафисме седален:

**Ущедри в Марфины и Мариины слезы, / отвалити камень от гроба
повелел еси, Христэ Бже, / воскресил еси возгласив мертвого, мира
Жизнодавче, / Собою уверяя воскресение. / Слава силе Твоей, Спасе, /
слава власти Твоей, / слава словом вся Составившему.**

Господи, помилуй. **Трижды.**

Слава, и ныне:

И чтем кафисму 17-ю (зри Псалтирь)

ТРОПАРИ ВОСКРЕСНЫ ПО НЕПОРОЧНАХ, ГЛАС 5:

Благословен еси, Господи, научи мя оправданием Твоим.

**Ангельский собор удивися, / зря Тебе в мертвых вменившася, /
смертную же, Спасе, крепость разоривша, / и с Собою Адама воздвигша, / и
от ада вся свободжда.**

Благословен еси, Господи, научи мя оправданием Твоим.

Почтó мiра с мiлостивными слезáми, / о ученицы, растворяете? / Блистáйся во грóбе А́нгел миронóсицам вещáше: / вiдите вы гроб и уразумéйте, / Спас бо воскресе от грóба.

Благословén есi, Гóсподи, научи́ мя оправдáнием Твоим.

Зелó рáно миронóсицы течáху / ко грóбу Твоему́ рыдáющия, / но предстá к ним А́нгел и речé: / рыдáния врéмя престá, не плáчите, / воскресéние же апóстолом рцýте.

Благословén есi, Гóсподи, научи́ мя оправдáнием Твоим.

Миронóсицы жены́ с мiры пришéдшия / ко грóбу Твоему́, Спасе, рыдáху, / А́нгел же к ним речé, глагóля: / что с мёртвыми живáго помышляете? / Яко Бог бо, воскресе от грóба.

Слáва: Поклонiмся Отцý / и Егó Сýнови, и Святому́ Дýху, / Святей Трóице во еди́ном существé, / с Серафiмы зовýще: / Свят, Свят, Свят есi, Гóсподи.

И ны́не: Жизнодáвца рóждши, / грехá, Дéво, Ада́ма избáвила есi, / рáдость же Ё́ве / в печáли мéсто подалá есi, / пáдшия же от жiзни / к сей напра́ви / из Тебé воплотiвшийся Бог и Человéк.

Аллилу́иа, аллилу́иа, аллилу́иа, слáва Тебé, Бóже. **Трижды.**

Гóсподи, помiлуй. **Трижды.**

Слáва, и ны́не:

Седален:

Источник премýдрости и предвéдения во Вифáнию пришéд, / с Мáрфою сýщих вопрошáл есi: / где положiсте, рек, дрýга, Лázаря? / Егóже рáди прослезiв Благоутрóбне, / четвероднёвна мёртва воскресiл есi гласом Твоим / Человеколю́бче и Щéдрый, / я́ко Жизнодáвец и Госпóдь.

Тáже:

Воскресéние Христóво вiдевше, поклонiмся Святому́ Гóсподу Иисýсу, еди́ному безгрéшному. Крестý Твоему́ поклоня́емся, Христé, и свято́е Воскресéние Твоё поём и слáвим: Ты́ бо есi Бóг наш, рáзве Тебé ино́го не знаём, iмя Твоё имену́ем. Приидiте всi вёрнии, поклонiмся Святому́ Христóву Воскресéнию: сé бо прииде крестом рáдость всему́ мiру. Всегда́ благословя́ще Гóспода, поём Воскресéние Егó: распя́тие бо претерпéв, смёртию смёрть разруши́.

Псалом 50

Помилуй мя, Бóже, по велицей мýлости Твоей, и по мнóжеству щедрóт Твоих очисти беззакóние моё. Наипáче омый мя от беззакóния моего, и от грехá моего очисти мя; я́ко беззакóние моё аз знаю, и грех мой предо мною есть вýну. Тебё еди́ному согреших, и лукавое пред Тобóю сотворих; я́ко да оправди́шия во словесéх Твоих, и победиши, внегда суди́ти Ти. Сё бо в беззакóнных зачат есмь, и во гресéх роди́ мя ма́ти моя. Сё бо и́стину возлюбил еси́, безвёстная и та́йная премýдрости Твоея́ явил ми еси́. Окропи́ши мя иссо́пом, и очищуся; омы́еши мя, и па́че снёга убелю́ся. Слу́ху моему́ да́си ра́дость и весéлие; возра́дуются ко́сти смире́нныя. Отврати́ лице́ Твое́ от грех мо́их, и вся беззакóния моя́ очисти. Сёрдце чýсто сози́жди во мне, Бóже, и дух прав обнови́ во утробе моёй. Не отвержи мене́ от лица́ Твоего́, и Дýха Твоего́ Свята́го не отыми́ от мене́. Возда́ждь ми ра́дость спасéния Твоего́, и Дýхом Влады́чним утверди́ мя. Научу́ беззакóнныя путём Твоим, и нечестивии к Тебё обратят́ся. Избáви мя от кровей, Бóже, Бóже спасéния моего́; возра́дуется язы́к мой правде Твоей. Гóсподи, устне́ мой отвёрзеши, и уста́ моя́ возвестят хвалу́ Твою́. Я́ко а́ще бы восхотёл еси́ жёртвы, дал бых ўбо: всесо́жжéния не благоволи́ши. Жёртва Бóгу дух сокрушён; сёрдце сокрушённо и смире́нно Бог не уничижит. Ублажи́, Гóсподи, благово́лением Твоим Си́она, и да сози́ддутся стéны Иерусали́мския. Тогда́ благоволи́ши жёртву правды, возноше́ние и всесо́жегаемая; тогда́ возложáт на олта́рь Твой тельцы́.

КАНО́Н

Песнь 1

Канóн пёрвый господина Феофа́на, глас 8:

Ирмос: Поим Гóсподеви, / проведшему лю́ди Своя́ сквозé Чермное мо́ре, / я́ко еди́н сла́вно просла́вился.

Припéв: Сла́ва Тебе́, Бóже наш, сла́ва Тебе́.

Лáзаря умершаго, / манием Божéственным воскресил еси́, / я́ко Создáтель сый, / и животá сокровище, Человеколю́бче.

Сла́ва Тебе́, Бóже наш, сла́ва Тебе́.

Слóвом четвероднёвнаго Лáзаря / возгласил еси́, Безсмёртне, / темнообразное áдово разрушив крёпостию цáрство.

Сла́ва Тебе́, Бóже наш, сла́ва Тебе́.

Всем пребожéственного познание Божества́ показáл еси́, / из мёртвых возста́вив / четвероднёвнаго Лáзаря, Влады́ко.

Сла́ва Тебе́, Бо́же наш, сла́ва Тебе́.

Днесь Вифа́ния предвозвеща́ет / Воскресе́ние Христа́ Жизнода́вца, / воста́нием Ла́заревым ликовству́ющи.

Други́й кано́н, творе́ние Иоа́нна мона́ха, глас 8:

Сла́ва Тебе́, Бо́же наш, сла́ва Тебе́.

Пре́жде от не су́щих приве́д вся́ческую тварь, / и ве́дый серде́чная сокро́вища / предглаго́леши я́ко Влады́ка ученико́м Ла́зареву успе́ние.

Челове́ка естество́м осуществова́выйся, Христэ́, от Де́вы, / Ла́зареву Ты погребéние навы́кнути вопроша́л еси́, я́ко Челове́к, / не неве́дый, я́ко Бог, иде́же лежа́ше.

Сла́ва Отцу́, и Сы́ну, и Свято́му Ду́ху.

Уверя́я, Сло́ве, Твое́ Воскресе́ние, / воистинну́ я́ко от сна, любима́го воскресил еси́ уже́ смердя́ща, / четверодне́вна мертвеца́ от гроба́.

И ны́не и при́сно, и во ве́ки веко́в. Ами́нь.

Богородичен: Чи́ни Тя а́нгел и челове́к, безневéстная Ма́ти, хва́лят непреста́нно, / Созда́теля бо сих я́коже Младéнца, / во объ́ятиих Твои́х носила́ еси́.

Катавасия: Во́ду проше́д я́ко су́шу, / и египетскаго зла избежа́в, / израильтянин вопия́ше: / Изба́вителю и Бо́гу на́шему пойм.

Песнь 3

Ирмос: Ты еси́ утвержде́ние / притека́ющих к Тебе́, Го́споди, / Ты еси́ свет омраче́нных, / и поёт Тя дух мой.

Сла́ва Тебе́, Бо́же наш, сла́ва Тебе́.

Два предлага́я де́йства Твоя́, / показáл еси́ существ, Спа́се, сугубство: / Бог бо еси́ и Челове́к.

Сла́ва Тебе́, Бо́же наш, сла́ва Тебе́.

Бéдна сый ра́зума, Ты вопроша́еши: / где положи́ся ме́ртвый; / хотя́ воскресити, Животода́вче, лежа́щаго.

Сла́ва Тебе́, Бо́же наш, сла́ва Тебе́.

Ме́ста преходя́й, я́ко быв Челове́к, / яви́лся еси́ опи́сан, / исполня́я вся́ческая, я́ко Бог неопи́санный.

Сла́ва Тебе́, Бо́же наш, сла́ва Тебе́.

Лазаря воздвигл еси / Божественным, Христэ, глаголом, / и менé многими прегрешёнными умерша / возста́ви, молю́ся.

Иный:

Сла́ва Тебе́, Бо́же наш, сла́ва Тебе́.

Предста́в Ты грóбу чудотворче, Го́споди, / в Вифа́нии над Ла́зарем прослезился еси́, зако́ном естества́, / плоть Твою́ уверяя, Иису́се Бо́же мой, / ю́же восприя́л еси́.

Сла́ва Тебе́, Бо́же наш, сла́ва Тебе́.

Мариин плач Ты а́бие утоли́л еси́, Спа́се, / и Ма́рфе показу́я самовла́стное. / Ты бо воскресéние, Ты и живóт, я́коже рекл еси́: / и́стина бо еси́и всех Го́сподь.

Сла́ва Отцу́, и Сы́ну, и Свято́му Ду́ху.

Слава: Обвита́го укрóйми любима́го Ла́заря, Го́споди, / от а́да тёмнаго исхитил еси́ Ты, / сло́вом Твои́м всемо́щным / сме́рти разве́рг заклéпы же и ца́рствия.

И ны́не и прісно, и во ве́ки веко́в. Ами́нь.

Богородичен: Всели́лся еси́в Де́ву плóтски, Го́споди, / яви́лся еси́ челове́ком, я́коже леть бе ви́дену Тебе́ бы́ти, / Ю́же и показáл еси́ я́ко и́стинную Богоро́дицу, и ве́рных помо́щницу, / еди́не Человеколю́бче.

Катавасия: Небе́снаго кру́га Верхотворче, Го́споди, / и Це́ркве Зиждите́лю, / Ты менé утверди́в любви́ Твое́й, / желáний кра́ю, ве́рных утвержде́ние, / Еди́не Человеколю́бче.

Го́споди, поми́луй. **Трижды.**

Сла́ва, и ны́не:

Седален, глас 4:

Вку́пе предста́сте Христу́ Ла́зареве сестре́, / и слезя́ще го́рце, и пла́чуще егó, ре́ша Ему́: / Го́споди, у́мре Ла́зарь. / Он же я́ко Бог не невéдый погребáния, / вопроша́ше я́ко Чело́век: / где положи́сте егó? / И присту́пив ко грóбу, возглаша́ше четверодне́внаго Ла́заря. / Он же а́бие воста́, / и покланя́шеся Воскреси́вшему.

Сла́ва, и ны́не:

Ин седален, глас 8:

Прове́дый вся́ческая, я́ко Творе́ц, / в Вифа́нии прорéкл еси́ ученико́м Твои́м: друг наш Ла́зарь успе́ днесь. / И ве́дый вопро́сил еси́,

рекл: где положи́те его́? / И Отцу́ помоли́лся еси́, прослезився, яко
 Человек, / те́мже и возгласи́в, его́же любил еси́, / от а́да возста́вил еси́,
 Го́споди, четверодне́внаго Ла́заря. / Сего́ ра́ди вопие́м Тебе́: / приими́,
 Христе́ Бо́же, дерза́ющих приноси́ти хваление́ Тебе́, / и сподо́би всех
 сла́вы Твоея́.

Песнь 4

Ирмос: Услы́шах, Го́споди, / смотре́ния Твоего́ та́инство, / разумех де́ла
 Твоя́, / и просла́вих Твое́ Божество́.

Сла́ва Тебе́, Бо́же наш, сла́ва Тебе́.

Не посо́бника тре́буяй, / но смотре́ния соверша́яй неизрече́нное, /
 моля́ся возста́вил еси́ ме́ртва, / четверодне́внаго, Всеси́льне.

Сла́ва Тебе́, Бо́же наш, сла́ва Тебе́.

Отцу́ соприсносу́щное Сло́во, / и Бог пре́жде зримо́й, / ны́не яко
 Человек мо́лится, / моли́твы всех Прие́мляй.

Сла́ва Тебе́, Бо́же наш, сла́ва Тебе́.

Глас Твой разруши́, Спа́се, сме́ртную всю си́лу, / основа́ния же
 а́дова / Божество́нною Твоею́ си́лою поколеба́шася.

Пресвята́я Богоро́дице, спаси́ нас.

Богородичен: Де́ву воспои́м, яко по рождестве́ Де́ву пребы́вшую, / и
 ро́ждшую Христа́ Бо́га, / от преле́сти мир избавльшаго.

Иный:

Сла́ва Тебе́, Бо́же наш, сла́ва Тебе́.

Ты, яко па́стырь, исхитил еси́, Христе́, челове́ка, / растле́вша уже́
 четверодне́вна, Зиждите́лю, / от во́лка лю́таго вои́стинну и всея́дца, /
 яко всеси́лен же и Госпо́дь, / сим проявля́я всеми́рную сла́ву, / Твоего́
 ны́не тридне́внаго воста́ния.

Сла́ва Тебе́, Бо́же наш, сла́ва Тебе́.

Тя жизнь ви́дяще су́щии с Ма́рфою, Христе́, вопия́ху: / а́ще бы был
 еси́ zde, Го́споди, просвеще́ние всех и жизнь, / отню́д не бы́ умерл,
 мертв не яви́лся бы Ла́зарь. / Жизнь же умерших, Ты Человеколю́бче
 сый, / в ра́дость плач их прелага́еши.

Сла́ва Отцу́, и Сы́ну, и Свято́му Ду́ху.

Тя исто́чника бо́ятся, Го́споди, бе́здны, / Тебе́ рабо́тают во́ды
 вся́ческия, / Тебе́ трепещу́т, Христе́, вере́й а́довы, / и закле́пы

державою Твоею разрушаются, / Лазарю воскресшу из мёртвых
гласом Твоим, / всесильне Спасе Человеколюбче.

И ныне и присно, и во веки веков. **А**минь.

Богородичен: Ты верным похвала еси, Безневестная, Ты
предстательство, / Ты и прибежище христианом, стена и пристанище,
/ к Сыну бо Твоему моления приносиши, Всенепорочная, и спасаеши
от бед, / верою и любовью Богородицу Чистую Тя ведущия.

Катавасия: Ты моя крепость, Господи, / Ты моя и сила, / Ты мой Бог, Ты
моё радование, / не оставль недра Отца / и нашу нищету посети. / Тем с
пророком Аввакумом зову Ти: / силе Твоей слава, Человеколюбче.

Песнь 5

Ирмос: Вскую мя отринул еси / от лица Твоего, Свете Незаходимый, / и
покрыла мя есть чуждая тьма, окайнного, / но обратима / и к свету
заповедей Твоих / пути моя направи, молюся.

Слава Тебе, Боже наш, слава Тебе.

Представ Лазареву гробу, Человеколюбче, / сего призвал еси и
жизнь подал еси, / яко жизнь сый безсмертная человеком всем, / яко
Бог будущее прообразуя яве воскресение.

Слава Тебе, Боже наш, слава Тебе.

Связан ногами Лазарь хождаше, чудо в чудесех, / ибо болии явися
возбраняющего укрепляя и Христос, / Егоже слову вся раболепно
служат, / яко Богу и Владыце работающа.

Слава Тебе, Боже наш, слава Тебе.

Мёртва смердяща Лазаря воздвигнувый, Христэ, четверодневна, /
возстави мя, умерша ныне грехи моими, / и положена в рове и темней
сени смертней, / и яко благоутробен избави и спаси мя.

Иный:

Слава Тебе, Боже наш, слава Тебе.

Отцу славу подая, / яко не богопротивный был еси моляся, /
предстоящий уверяя народ, Долготерпеливе, / и благодарение Твоему
Отцу принося, / повелением воздвизаеши Лазаря.

Слава Тебе, Боже наш, слава Тебе.

О гласа Боговещанного и Божественныя силы, Спасе державы
Твоея! / Еюже адова врата всеядныя смерти сокрушил еси, / но исхити

мя от страстей моих, / якоже прежде четверодневна Твоего друга Лазаря.

Слава Отцу, и Сыну, и Святому Духу.

Молитвами Лазаря, Марфы же и Марии, / нас сподоби зрителей быти Крестами страстей Твоих, Господи, / и светносицы дней и царицы Воскресения Твоего, Человеколюбче.

И ныне и присно, и во веки веков. **Аминь.**

Богородичен: Матернее дерзновение к Сыну Твоему имущи Пречистая, / сроднаго промысления о нас не презри, молимся, / яко Ты едину христиане ко Владыце / умилоствление благоприятное предлагаем.

Катавасия: Вскую мя отринул еси / от лица Твоего, Свете Незаходимый, / и покрыла мя есть чуждая тьма, окаянного, / но обратима / и к свету заповедей Твоих / пути моя направи, молюся.

Отсюда начинаем два четверопеснца

Песнь 6

Творение господина Космы:

Ирмос: Ибну в ките, Господи, / единого вселил еси, / мене же, связаннаго мрежами вражиями, / яко от тли онаго, спаси.

Слава Тебе, Боже наш, слава Тебе.

Любовь Тебе в Вифанию, Господи, отведе к Лазарю, / и сего уже смердяща воскресил еси яко Бог, / и от уз адовых спасл еси.

Слава Тебе, Боже наш, слава Тебе.

Марфа убо отчаяшися Лазаря, яко виде четверодневна, / Христос же истлевшаго воскресил яко Бог, / и к жизни престави глаголом.

Творение Иоанна монаха:

Слава Отцу, и Сыну, и Святому Духу.

Бог сый истинный, Лазарево ведал еси успение, / и сие учеником Твоим провозвестил еси, / уверяя, Владыко, Божества Своего неопредельное действо.

И ныне и присно, и во веки веков. **Аминь.**

Плотию описан сый Неописанный, в Вифанию пришед, / яко Человек Владыко слезиши над Лазарем, / яко Бог же хотя воскресяеши четверодневно.

Катавасия: Очисти мя, Спасе, / мно́га бо беззако́нныя моя́, / и из глубины́ зол возведи́, молю́ся, / к Тебе́ бо возопи́х, / и услы́ши мя, / Бо́же спасе́ния моего́.

Господи, помилуй. Трѣжды.

Сла́ва, и ны́не:

Кондак, глас 2:

Всех ра́дость Христо́с, / Истина, Свет, Живо́т и ми́ра Воскресе́ние, / су́щим на землі яви́ся Своёю благода́тию, / и бысть о́браз Воскресе́ния, / всем пода́я Божество́нное оставле́ние.

Икос:

Ученико́м Созда́тель всех предвеща́, глаго́ля: / бра́тия и зна́емии, наш друг успе́, / си́ми предглаго́ля и уча́, я́ко вся ве́си, я́ко Созда́тель всех. / Идем у́бо, и увидим страна́ное погребё́ние, / и рыда́ние Мари́ино, и Ла́зарев гроб у́зрим, / та́мо бо хо́щю чудодо́йствовати, / соверша́я Креста́предначина́ние, / и всем пода́я Божество́нное оставле́ние.

Песнь 7

Ирмос: О́троцы евре́йстии в пещи́ / попра́ша пла́мень дерзнове́нно, / и на ро́су огонь преложи́ша, вопи́юще: / благослове́н еси́ Госпо́ди Бо́же во ве́ки.

Сла́ва Тебе́, Бо́же наш, сла́ва Тебе́.

Прослезився я́ко челове́к, Ще́дре, / воскресил еси́ я́ко Бог су́щаго во гробе́, / и разре́шся от а́да Ла́зарь взыва́ше: / благослове́н еси́ Госпо́ди Бо́же во ве́ки.

Сла́ва Тебе́, Бо́же наш, сла́ва Тебе́.

Изы́де повойми обвя́зан, / про́пасти а́да же и тьмы убёг Влады́чним сло́вом, Ла́зарь взыва́я: / благослове́н еси́ Госпо́ди Бо́же во ве́ки.

Иный:

Сла́ва Тебе́, Бо́же наш, сла́ва Тебе́.

Над дру́гом прослезився, Ма́рфины, Ще́дре, слёзы утоли́л еси́, / и стра́стию во́льною отъя́л еси́ от лица́ люде́й Твои́х всякую слёзу. / Оте́ц на́ших Бо́же, благослове́н еси́.

Сла́ва Отцу́, и Сы́ну, и Свято́му Ду́ху.

Живота́ сокровище, мёртваго́ яко́ от сна, Спа́се, воздвѣгл еси́, / и слóвом а́дову утробу́ растóргнув, воскресѣл еси́ пою́ща: / о́тец на́ших Бóже, благословѣн еси́.

И ны́не и прѣсно, и во ве́ки веко́в. **Ами́нь.**

Мертвеца́ смердяща, связа́на повойми, Влады́ко, воздвѣгну́л еси́, / и мене́ связа́наго плени́цами прегрешѣний, возста́ви пою́ща: / о́тец на́ших Бóже, благословѣн еси́.

Катавасия: **От** Иудѣи доше́дше, о́троцы / в Вавило́не ино́гда / ве́рою Трóическою пла́мень пе́щный попра́ша, пою́ще: / о́тцев Бóже, благословѣн еси́.

Песнь 8

Ирмос: **Му́сикѣйским о́рганом согла́сующим, / и лю́дем безчи́сленным, покланя́ющимся о́бразу в Де́йре, / три о́троцы не повинув́шеся, / Го́спода воспева́ху, / и славосло́вляху во вся ве́ки.**

Сла́ва Тебе́, Бóже наш, сла́ва Тебе́.

Яко́ Па́стырь а́гнца взыска́л еси́, / от во́лка лю́таго губи́теля восхитив, / растле́вша обновѣл еси́, пою́ща Тебе́: / по́йте и превозно́сите во вся ве́ки.

Сла́ва Тебе́, Бóже наш, сла́ва Тебе́.

Яко́ Чело́век грóба взыска́л еси́, / мёртваго́ яко́ Содѣ́тель воскресѣл еси́, / повелѣ́нием Твоѣ́м Влады́чним, Егóже ад ужасѣ́ся, / вопи́юща Тебе́: по́йте и превозно́сите во вся ве́ки.

Иный:

Сла́ва Тебе́, Бóже наш, сла́ва Тебе́.

Вопроша́еши у́бо яко́ Чело́век, / яко́ Бог же воскреша́еши слóвом четверодне́внаго. / Те́мже Тя поѣ́м и превозно́сим во вся ве́ки.

Благослови́м Отца́, и Сы́на, и Свята́го Ду́ха, Го́спода.

Тебе́ благо́разумно Влады́ко, яко́же до́льное / Ма́рѣя приноша́ет ми́ро, / воспева́ющи во вся ве́ки.

И ны́не и прѣсно, и во ве́ки веко́в. **Ами́нь.**

Призыва́еши у́бо яко́ Чело́век Отца́, / яко́ Бог же Ла́заря воздвиза́еши. / Те́мже Тя поѣ́м Христе́ во ве́ки.

Хва́лим, благослови́м, покланя́емся Го́сподеви, пою́ще и превозно́сяще во вся ве́ки.

Катавасия: Царя Небеснаго, / Егѡже поютъ вои Ангельстии, / хвалите и превозносите во вся вѣки.

Честнейшую не поем.

Песнь 9

Ирмос: Чистую славно почтимъ, людие, Богородицу, / огонь Божества приимшую во чреве неопально, / пѣснями величаемъ.

Слава Тебѣ, Бѡже наш, слава Тебѣ.

Людие видевше ходяща мертвца четверодневна, / удивившеся чудеси, вопияху Избавителю, / Бѡга Тя в пѣсняхъ величающе.

Слава Тебѣ, Бѡже наш, слава Тебѣ.

Предуверяя славно востание Твое, о Спасе мой, / мѣртва четверодневна, из ада свободяеши Лазаря, / пѣснями Тя величающа.

Иный:

Слава Тебѣ, Бѡже наш, слава Тебѣ.

Почитая Твоего Отца, и показуя, яко не богопротивен еси, / молитву дѣеши, Христѣ, / самовластно воздвигъ четверодневнаго.

Слава Тебѣ, Бѡже наш, слава Тебѣ.

Из грѡба четверодневнаго Лазаря воздвизаеши, / тридневнаго, Христѣ, Твоего востания, / всеистиннаго всемъ показуя свидетеля.

Слава Отцу, и Сыну, и Святому Духу.

Ходиши, и слезиши, вещаеши же, Спасе мой, / человеческое показуя Твое дѣйство, / Божественное же являя, воздвизаеши Лазаря.

И ныне и присно, и во вѣки вѣковъ. **Аминь.**

Содѣял еси неизреченно, Владыко Спасе мой, / по обою двою Твоею естеству, / самовластною волею спасение мое.

Катавасия: Воистинну Богородицу, / Тя исповѣдуемъ, / спасеннии Тобою, Дѣво Чистая, / с Безплотными лики Тя величающе.

Господи, помилуй. Трижды.

Слава, и ныне:

Свят Господь Бог наш. Свят Господь Бог наш. Свят Господь Бог наш.

Ексапостилáрий:

Слóвом Твоём, Слóве Бóжий, / Лázарь ныне возсáчет к житию пáки потék, / и с вéтвymi лю́дие Тя держáвне почитáют, / я́ко в конéц погубиши ад смéртию Твоёю. Дважды.

Слáва, и ныне:

Ин ексапостилáрий:

Лázарем ты Христóс ужé разрушáет, смéрте, / и где твоя́ áде побéда? / Вифáнии плач ныне на тебé преставляется, / вси вéтви побéды Тому́ принесём.

ХВАЛÍТНЫ

Вся́кое дыхáние да хвáлит Гóспода. / Хвалíte Гóспода с небéс, / хвалíte Егó в вы́шних. / Тебé подобáет песнь Бóгу. / Хвалíte Егó, вси Áнгели Егó, / хвалíte Егó, вся Сíлы Егó. / Тебé подобáет песнь Бóгу.

Стихиры на хвалитех, глас 1:

На 6: Сотвори́ти в них суд напи́сан. / Слáва сия́ б́дет всем преподóбным Егó.

Воскресéние и жизнь челове́ком сый Христé, / грóбу Лázареву предстáл еси́, / уверяя нам два существá Твоя́, Долготерпелíве, / я́ко Бог и Челове́к / от Чíстыя Дéвы пришéл еси́. / Я́коже бо Челове́к вопрошáл еси́: где погребéся? / И я́коже Бог воскресíл еси́ / живонóсным мановéнием четвероднёвнаго.

Стих: Хвалíte Бóга во святýх Егó, / хвалíte Егó во утвержéнии сíлы Егó.

Лázаря умéрша четвероднёвнаго / воскресíл еси́из áда, Христé, прéжде Твоея́ смéрти, / потряс смéртную держáву, / и еди́нем любíмым, всех челове́к провозвещáяй из тли свобождéние. / Тёмже поклоня́ющеся Твоёй всесíльной вла́сти вопиём: / благословéн еси́, Спáсе, помíлуй нас.

На 4: Хвалíte Егó на сíлах Егó, / хвалíte Егó по мнóжеству вели́чества Егó.

Мáрфа и Марíя Спáсу глаго́ласте: / áще бы zde был еси́ Гóсподи, / не бы́ умерл Лázарь: / Христóс же воскресéние усóпших, / сегó ужé четвероднёвнаго из мéртвых воскресí. / Приидíte вси вёрнии, / Сему́ поклонímся грядúщему во слáве, / спасти́ дýши нáша.

Хвалі́те Егó во гласе тру́бнем, / хвалі́те Егó во псалті́ри и гу́слех.

Божества́ Твоегó, Христé, подава́я ученико́м Твои́м о́браз, / в наро́дех смиря́л еси́ Себе́, утайтися хотя́. / Те́мже апо́столом я́ко проведу́ец Бог, / Ла́зареву смерть предрéкл еси́. / В Вифа́нии же прису́тствуйа́я лю́дем, / дру́га Твоегó грóба не неведы́й, / увéдети вопроша́л еси́ я́ко Чело́век. / Но Тобо́ю четверодне́вен воскресы́й, / Божéственную Твою́ держа́ву яви́, / всеси́льне Го́споди, сла́ва Тебе́.

Глас 4:

Хвалі́те Егó в тимпа́не и ли́це, / хвалі́те Егó во стру́нах и орга́не.

Четверодне́вна воздви́гл еси́ дру́га Твоегó, Христé, / и Ма́рфино и Мари́ино рыда́ние утоли́л еси́, / показу́я всем, я́ко Ты еси́вся соверша́яй Божéственною си́лою, / самовла́стным хотéнием. / Ему́же херуві́ми вопи́ют непреста́нно: / осáнна в вы́шних, / благословéн еси́над все́ми, Бо́же, сла́ва Тебе́.

Хвалі́те Егó в кимва́лех доброглас́ных, хвалі́те Егó в кимва́лех восклицáния. / Вся́кое дыха́ние да хва́лит Го́спода.

Ма́рфа Мари́и вопия́ше: / Учи́тель предстои́т, и глаша́ет тя, приступи́. / Она́же ско́ро пришéдши, иде́же бе стоя́ Господь, / и ви́девши возопи́, па́дши поклоні́ся, / пречы́стѣи но́зе Твои́ облобыза́ющи, глаго́лаше: / Го́споди, а́ще бы еси́зде был, / не бы́ убо ўмерл брат наш.

Глас 8:

Стих: Воскресни́, Го́споди Бо́же мой, да вознесéтся рука́ Твоя́, / не забуди́ убóгих Твои́х до конца́.

Ла́заря умерша́ в Вифа́нии, / воздви́гл еси́ четверодне́вна: / то́кмо бо престáл еси́ грóбу, / глас живóт умершему́ бысть, / и воздохну́в ад отреші́ страхом. / Вéлие чúdo, многомі́лостиве / Го́споди, сла́ва Тебе́.

Стих: Исповéмся Тебе́, Го́споди, всем сéрдцем мо́им, / повéм вся чудеса́ Твоя́.

Я́коже рекл еси́, Го́споди, Ма́рфе: / Аз есмь́ Воскресéние, / дéлом сло́во испол́нил еси́, / из а́да воззва́в Ла́заря. / И менé, Чело́веколю́бче, мёртва́ страстьми́, / я́ко сострада́телен воскреси́, молю́ся.

Сла́ва, глас 2:

Вéлие и пресла́вное чúdo соверши́ся днесь, / я́ко мертвеца́ четверодне́внаго, / из грóба Христóс возгласи́в воздви́же и дру́га

призvá, / славослóвим Егó, я́ко преслáвна, / да молíтвами прáведнаго Лáзаря / спасёт дúши нáша.

И нýне, Богородичен:

Преблагословéна еси́, Богорóдице Дéво, / Воплóщшим бо ся из Тебé ад пленíся, / Адáм воззváся, / клýтва потребíся, / Ёва свободíся, / смерть умертвíся, и мы ожíхом. / Тем воспеváюще вопиём: / благословéн Христóс Бог, / благовоlíвый тáко, слáва Тебé.

Слáва Тебé, показáвшему нам свет.

ВЕЛИКОЕ СЛАВОСЛОВИЕ

Слáва в вýшних Бóгу, и на землí мир, в челове́цах благово́ление. Хвáлим Тя, благословíм Тя, клáняем Ти ся, славослóвим Тя, благодарíм Тя вели́кия ра́ди слáвы Твоея́. Гóсподи, Царю́ Небéсный, Боже, Óтче Вседержíтелю, Гóсподи Сýне Единорóдный, Иису́се Христé, и Святы́й Дúше. Гóсподи Бóже, А́гнче Бóжий, Сýне Отéчь, взéмляй грех мíра, помíлуй нас. Взéмляй грехí мíра, приими́ молíтву нáшу. Седя́й одесну́ю Отца́, помíлуй нас. Я́ко Ты еси́ Еди́н Свят; Ты еси́ Еди́н Господь, Иису́с Христóс, в слáву Бóга Отца́, амíнь.

На всяк день благословлю́ Тя и восхвалю́ и́мя Твоé во вéки, и в век вéка. Сподóби, Гóсподи, в день сей без грехá сохранíтися нам. Благословéн еси́, Гóсподи Бóже отéц нáших, и хвáльно и прослáвлено и́мя Твоé во вéки, амíнь.

Бúди, Гóсподи, мíлость Твоя́ на нас, я́коже упова́хом на Тя.

Благословéн еси́, Гóсподи, научí мя оправдáнием Твоим. **Трижды.**

Гóсподи, прибéжище был еси́ нам в род и род. Аз рех: Гóсподи, помíлуй мя, исцели́ дúшу мою́, я́ко согреших Тебé. Гóсподи, к Тебé прибегóх, научí мя творíти волю́ Твою́, я́ко Ты еси́ Бог мой, я́ко у Тебé истóчник животá, во свéте Твоём úзрим свет. Пробáви мíлость Твою́ вéдущим Тя.

Святы́й Бóже, Святы́й Кре́пкий, Святы́й Безсме́ртный, помíлуй нас. Трижды.

Слáва Отцу́ и Сýну и Свято́му Дúху, и нýне и прíсно и во вéки веко́в, амíнь.

Святы́й Безсме́ртный, помíлуй нас.

Святы́й Бóже, Святы́й Кре́пкий, Святы́й Безсме́ртный, помíлуй нас.

Тропарь, глас 1:

Общее воскресение / прежде Твоея Страсти уверяя, / из мёртвых воздвигл еси Лазаря, Христэ Бóже. / Тёмже и мы, яко óтроцы победы знамения носяще, / Тебé победителю смёрти вопиём: / осанна в вы́шних, / благословён Грядый во и́мя Господне.

ЗАВЕРШЕНИЕ УТРЕНИ

Гóсподи, помилуй. 40.

Сла́ва, и ны́не:

Гóсподи, помилуй. 12.

Сла́ва, и ны́не:

Утверди́, Бóже, святу́ю правосла́вную ве́ру, правосла́вных христиа́н во вéк ве́ка.

Честне́йшую Херувим / и сла́внейшую без сравне́ния Серафим, / без ислéния Бóга Сло́ва рóждшую, / сущую Богорóдицу, Тя велича́ем.

Сла́ва, и ны́не: Гóсподи, помилуй. **Трижды.** Благослови́.

Отпу́ст

Христэ, и́стинный Бóже наш, моли́твами Пречи́стыя Твоея́ Ма́тере, святы́х сла́вных и всехва́льных Апóстол, [и свята́го, егóже есть храм,] свята́го пра́веднаго Лазаря, епископа Китийскаго, егóже и па́мьть ны́не соверша́ем, святы́х и пра́ведных богооте́ц Иоакима и А́нны, и всех святы́х, помилуй и спаси́ нас, яко́ Благ и Человеколюбец.

Вели́каго господи́на и отца́ нашего́ Кири́лла, / Святéйшаго Патриарха Моско́вскаго и всея́ Русы́, / и господи́на нашего́ высокопреосвяще́ннейшаго **и́мярек**, / митрополи́та [**или́:** архиепископа; **или́:** преосвяще́ннейшаго **и́мярек**, епископа] [**егóже есть о́бласть**], / настоя́теля, бра́тию и прихо́жан свята́го хра́ма нашего́, / домоча́дцы на́ша и вся правосла́вныя христиа́ны, / Гóсподи, сохрани́ их на мно́гая léта.

ПЕРВЫЙ ЧАС

Приидите, поклонимся Цареви нашему Богу.

Приидите, поклонимся Христу, Цареви нашему, Богу.

Приидите, поклонимся и припадем Самому Христу, Цареви и Богу нашему.

Псалом 5

Глаголы моя внуши, Господи, разумей звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти, и узриши мя. Яко Бог не хотяй беззакония, Ты еси: не приселится к Тебе лукавнуяй, ниже пребудут беззаконницы пред очима Твоима: возненавидел еси вся делающыя беззаконие. Погубиши вся глаголющыя лжу: мужа кровей и льстива гнушается Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобю путь мой. Яко несть во устех их истины, сердце их суетно, гроб отверст гортань их: языки своими льщаху. Суди им, Боже, да отпадут от мыслей своих, по множеству нечестия их изрини я, яко преогорчиша Тя, Господи. И да возвеселятся вси уповающи на Тя, во век возрадуются, и вселишися в них, и похвалятся о Тебе любящими имя Твое. Яко Ты благословиши праведника, Господи: яко оружием благоволения венчал еси нас.

Псалом 89

Господи, прибежище был еси нам в род и род. Прежде даже горам не быти и создатися земли и вселенней, и от века и до века Ты еси. Не отврати человека во смирение, и рекл еси: обратитесь, сынове человечести. Яко тысяща лет пред очима Твоима, Господи, яко день вчерашний, иже мимоиде, и стража ночная. Уничужения их лета будут. Утро яко трава мимоидет, утро процветет и прейдет: на вечер отпадет ожестет и исхнет. Яко исчезохом гневом Твоим, и яростию Твоею смутихомся. Положил еси беззакония наша пред Тобю: век наш в просвещение лица Твоего. Яко вси дние наши оскудеша, и гневом Твоим исчезохом, лета наша яко паучина поучахуся. Дние лет наших, в нихже седьдесят лет, аще же в силах, осьмьдесят лет, и множае их труд и болезнь: яко прииде кротость на ны, и накажемся. Кто вест державу гнева Твоего, и от страха Твоего, ярость Твою исчести? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся заутра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

Псалом 100

Милость и суд воспою Тебѣ, Господи. Пою и разумѣю в пути непорочно, когда приидеши ко мне? Прехождах в незлобии сердца моего посреде дому моего. Не предлагал пред очима моима вещь законопреступную: творящая преступление возненавидех. Не прильпе мне сердце строптиво, уклоняющагося от мене лукаваго не познах. Оклеветавшаго тай искренняго своего, сего изгонях: гордым оком, и несмытым сердцем, с сим не ядах. Очи мои на верныя земли, посаждати я со мною: ходяй по пути непорочно, сей ми служаше. Не живяше посреде дому моего творяй гордыню, глаголяй неправедная, не исправляше пред очима моима. Во утрия избивах вся грешныя земли, еже потребити от града Господня вся делающыя беззаконие.

Слава, и ныне:

Аллилуиа, аллилуиа, аллилуиа, слава Тебѣ Бже. Трижды.

Господи, помилуй. Трижды.

Слава:

Тропарь, глас 1:

Общее воскресение / прежде Твоея Страсти уверяя, / из мертвых воздвигл еси Лазаря, Христѣ Бже. / Темже и мы, яко отроцы победы знаменія носяще, / Тебѣ победителю смерти вопиѣм: / осанна в вышних, / благословен Грядый во имя Господне.

И ныне:

Богородичен:

Что Тя наречѣм, о Благодатная? / Небо, яко возсияла еси Солнце Правды. / Рай, яко прозябла еси цвет нетления. / Деву, яко пребыла еси нетленна. / Чистую Матерь, яко имела еси на святых Твоих объятых Сына, всех Бога. / Того моли спастися душам нашим.

Таже:

Стопы моя направи по словеси Твоему / и да не обладает мною всякое беззаконие. / Избави мя от клеветы человеческия, / и сохраню заповеди Твоя. / Лице Твое просвети на раба Твоего / и научи мя оправданием Твоим.

Да исполнятся уста моя хваления Твоего, Господи, / яко да воспою славу Твою, / весь день великолепие Твое.

Святѣй Бѣже, Святѣй Крѣпкій, Святѣй Безсмѣртный, помѣлуй нас.
Трижды.

Слáva Отцѹ и Сѣну и Святѣму Дѹху, и ныне и прѣсно и во вѣки векѣв.
Амѣнь.

Пресвятáя Трѣице, помѣлуй нас; Гѣсподи, очѣсти грехѣи нáша; Владѣико, прости беззакѣния нáша; Святѣй, посети и исцели нѣмощи нáша, ѣмене Твоегѣ рáди.

Гѣсподи, помѣлуй. Трижды. Слáva, и ныне:

Отче наш, Иже еси на Небесѣх, да святѣтся ѣмя Твое, да придет Цáрствие Твое, да бѹдет воля Твоя, ѣко на Небесѣи и на землѣи. Хлеб наш насущный дáждь нам днесь; и остави нам дѣлги нáша, ѣкоже и мы оставляем должникѣм нáшим; и не введѣи нас во искушѣние, но избáви нас от лукаваго.

[Ѣко Твое есть Цáрство и сѣла и слáva во вѣки. Амѣнь. (Мф. 6: 9-13)]

Кондак, глас 2:

Всех рáдость Христѣс, / Истина, Свет, Живѣт и мѣра Воскресѣние, / сущим на землѣи явѣся Своѣю блáгостию, / и бысть ѣбраз Воскресѣния, / всем подаѣ Божѣственное оставлѣние.

Гѣсподи, помѣлуй. 40.

Иже на всякое врѣмя и на всякий час, на Небесѣи и на землѣи, покланѣемый и слáвимый, Христѣ Бѣже, Долготерпелѣве, Многомѣлостиве, Многоблагоутрѣбне, Иже праведныя любѣй и грѣшныя мѣлуяй, Иже вся зовѣй ко спасѣнию обещáния рáди бѹдущих благ. Сам, Гѣсподи, прими и нáша в час сей молѣтвы и испрáви живѣт наш к зáповедем Твоѣм, дѹши нáша освятѣи, телесá очѣсти, помышлѣния испрáви, мѣсли очѣсти и избáви нас от всякия скѣрби, зол и болѣзней, оградѣи нас святѣми Твоѣми Ангелы, да ополчѣнием их соблюдáем и наставляем, достѣгнем в соединѣние вѣры и в рáзум непристѹпныя Твоеѣ слáвы, ѣко благословѣн еси во вѣки векѣв, амѣнь.

Честнѣйшую Херувѣм / и слáвнейшую без сравнѣния Серафѣм, / без ислѣния Бѣга Слѣва рѣждшую, / сущую Богорѣдицу, Тя величáем.

Молѣтвами святѣх отѣц нáших, Гѣсподи Иисѹсе Христѣ, Бѣже наш, помѣлуй нас. Амѣнь.

И молитву часа:

Христэ, Свэте Ёстинный, просвещаяй и освящаяй всякаго чловека, грядущаго в мир, да знаменается на нас свет лица Твоего, да в нем узрим Свет Неприступный: и исправи стопы наша к деланию заповедей Твоих, молитвами Пречистыя Твоея Матере, и всех Твоих святых. Аминь.

Кондак Богородицы:

Взбранной Воеводе победительная, / яко избавльшеся от злых, / благодарственная восписуем Ти раби Твой, Богородице, / но яко имущая державу непобедимую, / от всяких нас бед свободи, да зовем Ти; / радуйся, Невесто Неневестная.

Слава, и ныне:

Господи, помилуй. Трижды. Благослови.

Отпуст

Христэ, истинный Бже наш, молитвами Пречистыя Твоея Матере, преподобных и богоносных отец наших и всех святых, помилуй и спаси нас, яко Благ и Человеколюбец. Аминь.

Господи, помилуй. Трижды.